


**UNIVERZITET U SARAJEVU
MEDICINSKI FAKULTET
NASTAVNO-NAUČNO VIJEĆE**



Na osnovu članova 176. i 132. Zakona o visokom obrazovanju KS („Službene novine Kantona Sarajevo“, broj 36/22), članova 96. i 115. Zakona o visokom obrazovanju („Službene novine Kantona Sarajevo 33/17) te članova 230, 235, 236, 250, 255. i 256 Statuta Univerziteta u Sarajevu, te na osnovu Odluke Nastavno-naučnog vijeća Univerziteta u Sarajevu – Medicinskog fakulteta broj: 01-4-NŠ-1937/25 na svojoj 2, na vanrednoj elektronskoj sjednici održanoj 28. marta/ožujka 2025. godine imenovana je Komisija za pripremanje prijedloga za izbor u nastavno zvanje redovni profesor, 2 izvršioca, dio radnog odnosa (do 50%), za oblast Porodična/Obiteljska medicina po Konkursu od 10. 03. 2025. godine, objavljenom u dnevnom listu „Dnevni avaz“, web stranici Fakulteta i Univerziteta u Sarajevu u slijedećem sastavu:

1. **Prof. dr. Olivera Batić-Mujanović**, redovna profesorica Univerziteta u Tuzli - Medicinskog fakulteta za oblast Porodična/Obiteljska medicina - predsjednica
2. **Prof. dr. Larisa Gavran**, redovna profesorica Univerziteta u Zenici - Medicinskog fakulteta za oblast Porodična/Obiteljska medicina - članica
3. **Prof. dr. Amela Dzubur-Alić**, redovna profesorica Univerziteta u Sarajevu - Medicinskog fakulteta za oblast Socijalna medicina sa organizacijom i ekonomikom zdravstvene zaštite - članica

Na Konkurs raspisan 10.03.2025. godine, objavljenom u dnevnom listu „Dnevni Avaz“ i na web stranici Medicinskog fakulteta i Univerziteta u Sarajevu prijavila su se dva kandidata:

1. **Dr. sci. Zaim Jatić (u nastavno zvanje redovni profesor)**
2. **Dr. sci. Amira Skopljak (u nastavno zvanje redovni profesor)**

Nakon uvida u dostavljeni materijal Komisija za pripremanje prijedloga za izbor nastavnika u zvanje redovni profesor – 2 izvršioca sa dijelom radnog vremena (najviše do 50%) za oblast Porodična/Obiteljska medicina podnosi slijedeći:

IZVJEŠTAJ

Komisiji za pripremanje prijedloga za izbor je od strane Stučne službe Univerziteta u Sarajevu – Medicinskog fakulteta dostavljena potvrda kojom se konstatuje da su prijave oba kandidata blagovremene. Na Konstituirajućoj sjednici Komisije za pripremanje prijedloga za izbor i Stručne službe Fakulteta, održanoj 09. 04. 2025. godine usvojen je Poslovnik o radu Komisije i u prisustvu Stručne komisije otvorene pristigle prijave, kada je konstatovano da su prijave oba kandidata uredne (potpune).

PRIJEDLOG SA OBRAZLOŽENJEM

Na Konkurs raspisan 10.03.2025. godine, objavljenom u dnevnom listu „Dnevni Avaz“ i na web stranici Medicinskog fakulteta i Univerziteta u Sarajevu prijavili su se kandidati: **dr. sci. Zaim Jatić** (u nastavno zvanje redovni profesor) i **dr. sci. Amira Skopljak** (u nastavno zvanje redovni profesor). Na osnovu uvida u dokumentaciju dostavljenu od strane kandidata i stručnih službi Medicinskog fakulteta Univerziteta u Sarajevu, u kojima se nalazi i Potvrda da su kandidati predali formalno-pravno i u skladu sa Konkursom usklađenu dokumentaciju, Komisija za pripremanje prijedloga za izbor dva nastavnika u sva zvanja sa dijelom radnog vremena do 50 % za oblast Porodična/obiteljska medicina konstatira da oba kandidata ispunjavaju uvjete iz Zakona o visokom obrazovanju Kantona Sarajevo i Statuta Univerziteta u Sarajevu potrebne za izbor u nastavno zvanje redovni profesor, za koje su konkurirali.

Kandidat I

Dr.sci. Zaim Jatić je diplomirao na Medicinskom fakultetu Univerziteta u Sarajevu 1994. godine. Specijalista porodične/obiteljske medicine (2001. godine), naučni stepen doktora medicinskih nauka stekao je na Medicinskom fakultetu Univerziteta u Sarajevu 2013. godine, odbranivši doktorsku disertaciju. Od aprila 1992.godine do 22.aprila 1996. godine pripadnik je Armije BiH. Uposlenik je JU Dom zdravlja Kantona Sarajevo od aprila 1996. godine. Odgovorni ljekar Službe opšte/porodične medicine u Organizacionoj jedinici Dom zdravlja Centar od 2004. godine.

Kao autor i koautor objavio je 121 rad, od kojih je: in ekstenso objavljeno 48 naučnih radova i stručnih radova, 25 knjiga i udžbenika, 48 radova prezentiranih na kongresima, sažetci objavljeni u zbornicima radova.

Autor je 18 (osamnaest) originalnih naučnih radova nakon izbora u zvanje vanredni profesor. Autor je ukupno 3 (tri) medicinska udžbenika, 1 (jedan) fakultetski praktikum i 3 (tri) stručne knjige. Učesnik je kao glavni istraživač u 4 (četiri) kliničke studije. Mentor je 1 (jednane) doktorske disertacije. Mentor je 3 (tri) završna rada na bosanskom jeziku i 3 (tri) završna rada na engleskom jeziku.

Šef je Katedre za porodičnu/obiteljsku medicinu i uključena u nastavni proces na bosanskom i engleskom zvanju na predmetu Porodična/obiteljska medicina i izbornom predmetu Kompleksni pacijenti. U zvanje vanrednog profesora na Katedri za porodičnu/obiteljsku medicinu, je od 04.07.2019. godine. Tokom rada na Medicinskom fakultetu je prošao zvanja asistenta (2002. godine), višeg asistenta (2008. godine) i docent (2014. godine). Zvanje primarijus je stekao 07.04.2006. godine.

Kandidat dr. sci. Zaim Jatić ispunjava sve definirane uvjete u skladu sa članom 96. Zakona o visokom obrazovanju („Službene novine Kantona Sarajevo 33/17), a u vezi sa članom 176. Zakona o visokom obrazovanju („Službene novine Kantona Sarajevo 36/22) za izbor u zvanje redovni profesor za oblast Porodična/obiteljska medicina s dijelom radnog vremena do 50%.

Kandidat II

Dr. sci. Amira Skopljak, vanredni profesor za naučnu oblast Porodična/obiteljska medicina na Katedri za Porodičnu/obiteljsku medicinu Medicinskog fakulteta Univerziteta u Sarajevu. Dr.sci. Amira Skopljak, diplomirala je na Medicinskom fakultetu Univerziteta u Tuzli 1991. godine. Magistrirala je na Medicinskom fakultetu Univerziteta u Sarajevu 2005. godine. Specijalizaciju iz Porodične medicine završila je 2008. godine u Sarajevu. Doktorsku disertaciju odbranila je 2013. godine i time stekla zvanje doktora medicinskih nauka na Medicinskom fakultetu Univerziteta u Tuzli. Uposlena je u JU Dom zdravlja Kantona Sarajevo.

U nastavnom procesu na Katedri za Porodičnu medicinu Medicinskog fakulteta Univerziteta u Sarajevu, kandidat je u kontinuiranom radu prošao izbore u akademska zvanja, gdje radi od 2007. godine, kao stručni saradnik, viši asistent, docent, vanredni profesor (ima proveden 6-godišnji izborni period u zvanju vanredni profesor).

Kandidatkinja je u kontinuiranom radu na Katedri za Porodičnu medicinu Medicinskog fakulteta Univerziteta u Sarajevu ostvarila potrebne rezultate u realizaciji predavanja, vježbi, organizacije turnusne nastave i svih vidova provjere znanja iz predmeta Porodična medicina za studente Medicinskog fakulteta Univerziteta u Sarajevu, te nema potrebe za održavanje pristupnog predavanja.

Kao autor i koautor objavila je 64 rada, od kojih je: in ekstenso objavljeno 27 naučnih radova, 4 stručna rada, 4 revijalna rada i 3 prikaza slučajeva, 9 radova prezentiranih na kongresima, sažetci objavljeni u časopisima koje prati relevantna međunarodna baza podataka, te 22 rada prezentirana na kongresima, sažetci objavljeni u zbornicima radova.

Od posljednjeg izbora u zvanje vanredni profesor objavila je 12 (dvanaest) originalnih naučnih radova, 4 (četiri) rada prezentirana na kongresima-sažetci objavljeni u zbornicima radova. Nakon zadnjeg izbora u zvanje vanredni profesor, autor je 2 (dvije) recenzirane knjige, učestvovala je u 4 (četiri) istraživačka projekta. Prof. dr. Amira Skopljak bila je mentor u 2 (dva) diplomatska/završna rada studenata Medicinskog fakulteta Univerziteta u Sarajevu (nakon posljednjeg izbora).

Umjesto mentorstva doktorske teze (treći ciklus studija) prilažu se tri originalna naučna rada objavljena u citiranim bazama podataka (ekvivalencija odnosno supstitucija za doktorsku tezu (treći ciklus studija) – član 115. Zakon o visokom obrazovanju Kantona Sarajevo („Službene novine Kantona Sarajevo“ broj 33/17, 35/20, 40/20, 39/21).

Učestvovala je na većem broju kongresa i simpozija, bila je član Naučnog odbora Kongresa porodične/obiteljske medicine Bosne i Hercegovine, Sarajevo, BiH. Bila je predavač na brojnim seminarima, kongresima, stručnim radionicama, kursevima i predavanjima iz oblasti Porodične medicine, Menadžmenta, Farmakoeconomike i Komunikacijskih vještina.

Imenovana je za mentora u Programu za specijalizaciju iz Porodične medicine, i člana/predsjednika komisije za polaganje specijalističkog ispita iz Porodične medicine. Učestvovala je u svojstvu istraživača u više internacionalnih projekata. Bila je edukator u projektu „Program kontinuirane medicinske edukacije za timove porodične medicine“, kroz projekat „Jačanje i unapređenje modernih i održivih javnozdravstvenih strategija, kapaciteta i usluga za poboljšanje zdravlja stanovništva u Bosni i Hercegovini“. Uredno prati sve dostupne vidove kontinuirane medicinske edukacije iz oblasti Porodične medicine i Zdravstvenog menadžmenta i Menadžmenta za kvalitet i akreditaciju u zdravstvu.

Predavač je, supervizor i ispitivač na završnom ispitu, u okviru Projekta Federalnog ministarstva zdravstva – „Program dodatne edukacije iz Porodične medicine“ za timove Porodične medicine za Kanton Sarajevo, Bosansko Podrinjski Kanton, Konjic.

Nastavni, istraživački i stručni opus, govori da se radi o kandidatu koji je dao veliki doprinos Porodičnoj medicini, ne samo u nastavi kao medicinskog predmeta, već i održavanju, razvoju i afirmaciji Porodične medicine, kao naučne oblasti u zdravstvenom sistemu. Doprinijela je stručnom i organizacijskom napretku Katedre za Porodičnu medicinu, obučavajući mlade kadrove kao mentor, te razvoju akademske misli i ponašanja među mladim kolegama.

Kandidat dr. sci. Amira Skopljak ispunjava sve definirane uvjete u skladu sa članom 96. i 115. Zakona o visokom obrazovanju („Službene novine Kantona Sarajevo 33/17), a u vezi sa članom 176. Zakona o visokom obrazovanju („Službene novine Kantona Sarajevo 36/22) za izbor u zvanje redovna profesorica za oblast Porodična/obiteljska medicina s dijelom radnog vremena do 50%.


FORMULACIJA PRIJEDLOGA KOMISIJE NASTAVNO NAUČNOM VIJEĆU

Nakon uvida u blagovremeno dostavljenu dokumentaciju oba kandidata, Komisija za pripremanje prijedloga za izbor nastavnika u zvanje redovni profesor sa dijelom radnog vremena za oblast Porodična/obiteljska medicina je utvrdila da su oba kandidata dr. sci. Zaim Jatić i dr. sci. Amira Skopljak uredno i blagovremeno predala Konkursom traženu dokumentaciju i isti ispunjavaju Zakonom o visokom obrazovanju KS i Statutom Univerziteta u Sarajevu uvjete za izbor u zvanje nastavnika - redovni profesor za oblast Porodična/obiteljska medicina.

U skladu sa član 96. Zakona o visokom obrazovanju („Službene novine Kantona Sarajevo 33/17), a u vezi sa članom 176. Zakona o visokom obrazovanju („Službene novine Kantona Sarajevo 36/22), a po osnovu podnesenog Izvještaja, Komisija predlaže da se dr. sci. Zaim Jatić i dr. sci. Amira Skopljak izaberu u zvanje **redovni profesor/ica** za oblast *Porodična/obiteljska medicina* na Univerziteta u Sarajevu – Medicinskom fakultetu, sa dijelom radnog vremena najviše do 50%.

ČLANOVI KOMISIJE


1. **Prof. dr. Olivera Batić-Mujanović**, redovna profesorica Univerziteta u Tuzli - Medicinskog fakulteta za oblast Porodična/Obiteljska medicina – predsjednica



2. **Prof. dr. Larisa Gavran**, redovna profesorica Univerziteta u Zenici - Medicinskog fakulteta za oblast Porodična/Obiteljska medicina – članica



3. **Prof. dr. Amela Džubur-Alić**, redovna profesorica Univerziteta u Sarajevu - Medicinskog fakulteta za oblast Socijalna medicina sa organizacijom i ekonomikom zdravstvene zaštite – članica



Sarajevo, 16.04.2025. godine.